

廷俊傑人氏重修

疆域

自古體國經野分土而治重職守也唐虞三代下相沿襲既與時而裁制務因地以敷猷民社攸可毋庸越畔圖遠連平始建河源和平皆州屬也故以兩縣邊境為界今未隸轄自宜各于其民各撫其疆經界別而責任分職思其苦披卷如示

牟志曰語云有分土無分民畫地而守自生畛域見

連平州志

卷之二

疆域

一

之未廣也莫非王土諠切同舟安一隅而安四隣自近及遠是所望於同志者

邕州治龍脉瘡發於黃牛仙石層巒飛舞至鳳凰嶂為少祖迤邐而下至梧峰之后石畔過脉平原一線

蠡起陡峻綿亘二十餘里右為鴛湖水左有黃龍水

故曰鳳山鶴水左流至城東與麻陂水合右流至城

西與密溪水合二溪環繞至城南教場抱合而下龍

山左梧峰另闢一洞過朱門迺即黃龍崗連雙子密

梅花山一帶為左護直抵周陂龍山右赤嶺獨闢一

鄉過都公鎮即鶴湖崗並麓野山黃草鎮岡一帶為
百衛直達蕭屋排城北三松嶺作後枕城南塔嶺作
前案天然之城也北有鳳嶂如張錦屏南有群峰如
列牙笏東嶺西山儼峙左右天然之郭也附城之寨
北都公南安樂東新鎮西黃草城門之守望也倚郭
之鄉東北曰黃龍崗 竹湖曰周陂西北曰鶴湖
曰環下西曰蕭屋排南曰石龍曰鄧村曰蛟湖曰高
車塢曰朱臣坑曰柳樹澗曰下田心曰大逕口曰楊
公嶺郭外之逕遠也東北與亢南兼和平接壤西北
與翁源並龍南接壤東南則和平河源界焉西南則
長寧帶翁源界焉施吾政教國言疆圍是在可牧之
賢能而已

州治半屬崇山路徑迂曲東西廣一百四十里南北

袤一百三十里

東至和平柑子山界六十里

西至翁源南鋪界八十里

南至長寧界桐梓園七十里

東北至和平利頭

東南至河源廣東填 一百二十里

西北至翁源縣界

西北至長寧縣界

達惠州府陸路四百里

達廣州府水路九百里

由河源水路歷惠州經

水陸路上至

帝京

連平州志

卷之二

疆域

三

山川

山川融結自百流峙而清淑秀越之氣必待時而显
昔州治未建蛇虺所居豺虎所聚幾令山川蒙垢迨
掃穴開疆雲日暄朗山川真面目若洗濯磨淬以争
雄敵覲於目前豈山川有異哉時為之也稱形勝者
謂連平層峰簇擁萬壑淨流路通四省屹然一巨鎮
信哉言乎志山川

牟志曰環堵皆山也層疊聚秀高可捫天萬壑千溪
如飛虹閃烁海市繽紛雖老脚弗克遍其何能勝紀

連平州志

卷之二

山川

四

惟屯極始亨就鳳山鶴水苦席珍以待人有以知山
川之灵也

鳳凰嶂

城北十五里即州治少祖山翮翮霞峯轟以翔鳳列
為後屏舊名雞公嶂知川牟應受易以今名城北門

測冬春之交時見氣出氤氳其上則仙人夾蹟存焉

九峰山

在城北十里山清水秀有魚臺石室

僊塔嶺

在城南二里方正端凝為州治案山廻龙兩水環抱勝景

山麓上有古塔遺址

山麓原建觀音堂今廢

俗呼仙人塔脚

華表三峰

城南二十里茶山一峰南三里豐盤又一峰又南七

里軟坑一峰清溪纏繞聳拔如削中峰尤銳利堪

連平州志

卷之二

山川

家目為捍門華表人文蔚起之象云

巽峰

城東南十里方位居巽雙筆插雲為州之秀峰文物

係焉州人士樂其拔萃培築以當巨靈半臂

歇馬磔

城東北十五里高岡穹窿仰捫星斗攀陟嶮險人蹟

馬曠上有茶亭

生員謝呈芹建

右緣溪上里許為蒼石庵大

石當空立躋身俯首若鳥將啄各巒哥石亭左一石

高丈餘曰道人石昔有道人修煉於此今置庵其下

朝天馬

城東偏南三十里峻極岩巖頭昂腰伏如天馬行空

嘶鳴雲間登峰俯視羣山培塿

巖坡嶺

城西十五里入銀梅路蒼巖翠壁險阻連雲樹林陰

翳亭午始見日影炎蒸烈暑寒風凜骨恍在天山道

上行也

九連大山

離城東三十里狀巨萬山環迤九縣

老南定南和平河源長寧英德

山川

建平州志

卷之二

六

龍門從

化翁源

名曰九連夙稱大業世為粵憲渠與陳關口

趙十滿張庚子陳萬等盤踞蔓延費四省兵六馬始剿

平以險隘回塞也今成樂郊桑麻遍地安不恣危可

牧者慎之

石亞山

去城六十里在銀梅舖黃茅峯

今設

秀出雲端物變

無際相傳廣州府龍脉繇此祖

猴子巖

城東南二十五里志信必由之路林木蒼鬱屯雲畫

晦飛瀑奔湍响震岩谷下者如窺井上者如攀猿窺
山從人面起雲傍馬頭生未為險峻

十二排

城東二十五里由忠信舊道險阻崎嶇迤邐二十餘
里

戈羅筆

長吉晉水西界壽州七十里在水之湄為州門戶二
山聳秀高出雲端登者窮日方達其巔舟經其下天
清亭午空翠之氣飛撲眉宇上有洪聖王祖墓

山川

建平州志

卷之二

七

石園山

忠信舊南城八十里萬山輻輳瓜瓞綿延夜深時聞
山內鍾鼓音相傳為福地之一

天池

忠信大湖寨左山半一池寬畝餘水從地湧澄清如
鏡旱涸無增減夕陽倒影霞綺耀目夜靜月明金波
激灑恍疑驪龍吐珠也內多大鱗皮魚

靈山

忠信舊壽城七十里巍然天際俯視羣山雲氣霞練

如披仙衣奇花異木土人多弗識樵夫牧豎恍惚時
有見聞不可踪跡茲其所以為靈也

聖蹟巖

在內管距城二十里洞口天關暫入深邃後有幽徑
直出藍州上竅虛明可以遠眺水湧溪流窮冬不涸
時有花片菜根隨波浮出莫窮所自峭壁有石像如
觀音冠服纓絡悉具上有石如華蓋者一傍如垂幡
者七其堂隍寬廣可容數百人唐時建有廟寔廢後
復修為陳萬所焚土人避亂多居之真奇現也

有記

連平州志

卷之二

山川

八

龍潭巖

銀梅鋪奇城五十里許潭內傳有伏龍每大旱禱雨
土人以線懸鉄器燃香其傍須臾線斷鉄沉雲雷輟
作大雨驟至祈者在途滂沱遍一鄉矣

通天巖

銀梅鋪去城西五十里洞中清虛玲瓏擬於四明巖
頂仰窺星辰可摘內有龍床古跡

大嵩逕

在野鴨潭逕口道九連水油溪有巨石文計壁立

幽峻四時花鳥不斷行著沫段入桃源谷口河源進

士李中丞燾磨崖題曰大嵩逕 萬歷癸巳 鐫百記之

東桃逕

距城七十里長二十五里通江西龍南界

獅子口

忠信司前南十里突出一山頭昂身聳如獅蹲踞形

勝莊兩河忠信之巨鎮也

酒山

長吉溪東地層巒叠起兩峰插雲泉流成溪灌潤千

連平州志

卷之二

山川

九

頃係長吉龍祖與石亞山對峙

仙人山

銀梅貴塘地城西七十里高峰千仞嶂如列屏頂一

巨石平如砥有仙人腳蹟山多蘭四季聞香

帽子峰

銀梅貴塘地城西七十里與仙人山對峙山半一巨

圓石昂起狀如獅頭山多桂叢鬱蔽日

華蓋峰

惠化上坪方山端疑莊重狀似貴人左聳一峰高可

轟天時有彩雲覆之如倚蓋然將雨雲觸石起將晴

雲隨風卷蜺候不爽且明峰頂
見日浴溫泉有羅浮子日之勝

密溪水

在城西自翁源楊梅坪發源繞城西合鶴湖水至合

水墟與麻陂水合流南下經百口塘錫場直抵河源

大江

麻陂水

在城東自翁源分水坳起經九峰庵楊坑繞城東合

黃龍泉溪水至合水墟會南下通惠州

連平州志

卷之二

山川

十

內管水

在城東北源濬龍南曲尺巷經中村古坑由上坪至

內管出大席口與長寧縣水合入河源

忠信水

在城東九連肚發源經野鴨潭由可前至合江與連

平長寧水合流河源大江

銀梅水

在城西楊梅坪山西發源由牛嶺水經蓮塘莊村至

南鋪通英德大河出二水直抵廣州府 赴省會於

南鋪登蓬船順流甚便 又由英德湖流上至韶州
達梅關 又由三水縣分派至肇慶

虎頭泉

在銀梅距城七十里百峰千重連岡堆阜突出一峰
俯瞰平田圓如虎頭泉湧岩側冬溫夏涼潄為塘其
魚肥且旨流為澤其灌博而沃

東桃隘水

與江西龍南分由塘亨蒲田二甲出資塘抵南鋪會
銀梅水合流至省

連平州志

卷之二

山川

十一

勝景 附

牟志曰全粵形勝不遑具述就惠論羅浮仙踪朱明
丹竈稱勝槩矣白鶴峰蘇文忠墨池在焉泛西湖平
朝雲墓依稀想見其人則地以人重也况開疆立郡
樹駿流鴻豈偶然與州治案山上有仙塔基址不知
始自何時一簣相沿居中朝拱若留以待人有開必
先宣其然乎爰志諸勝以供騷人墨客尋幽探奇之
一覘云

仙塔遺踪

山川

連平州志

卷之二

十二

在城南二里許有仙塔遺址右一小池隆冬下涸

西山瀑布

城西五六里山下白雲古刹存焉水流洩沫如急匹

練飄緲悠揚有風雨离合之勢

南樓野眺

即州治南玉聰樓野田青翠兩水合流面臨仙塔登

眺神怡

聖蹟蒼巖

距城三十里河門高敞徑曲竅虛內有流水成溪不

知所自出

丹竈虬松

在城北數武聚仙嶺下竈跡猶存上有蒼松三株鉄

骨竊髯微風韻起寒濤天落稱勝概焉

今止存
一株

梧峰樵唱

距城十里山麓即梧峰禪院兩溪旋繞一徑逶迤遠

近樵蘇經焉

文羅簪翠

長吉水西地距州七十里三峰倚漢俯帶江流巖然

山川

建平州志

卷之二

十三

天表為州境門戶舟經其下晴霽日午空翠撲人

龍潭噴雨

銀梅蠟溪地去城五十里岩內有伏龍遇旱濤雨其

應如響

風俗

嘗讀毛詩十五國風土人情正遙奢儉備載臚列王者蓋以觀民設教示儉示禮約之而歸於中也連平萬山之區四境風氣異宜剛柔殊趨所以整齊陶冶之者固司牧之責也幸逢

聖仁在上四海屢豐咸亨盈寧之福猶

軫念遐方僻壤風俗未盡醇美

教行天下州縣各鄉立約所宣講

聖訓廣訓於以觉悟黎庶務使農夫農婦躬習禮讓樵童

連平州志

卷之二

風俗

牧豎心知孝友嶺未下吏欽承

聖天子德意惟有遵揚鼓舞目覩斯民遵道遵跡俯仰

之和之世而慶萬年之樂利也志風俗

查邇年街市

童動輒蜂屯羶集無故凌侮老成欺辱良善尋乘

器染惡少橫

人家有事團毆叢鎗肆兇圖利現行嚴禁亟慮滋

蔓為風俗

隱尤也

牟志曰崇山四圍嵐嶂甚厲殿風時作弓矢社可春

夏苦濕秋冬多寒與粵省迥異每朝暮霧氣蒙時惟

已午未三時暄朗民尚樸愿喪用浮屠信巫覡遇病

勤於禱神饋於灼艾不服藥餌

今用方藥

有小忿輒飲毒

相如筆路初開俾漸摩於禮教庶可觀風化之成也
每冬見雪有時嚴寒冰數寸仲春始暖仲秋已涼
諺云未食端午粽綿被不敢送桂冷發天香棉胎
近人
狀

講約奏議條式

雍正七年閏七月十三日內閣抄出大學士公馬

等條奏內開該^臣等議得鄉約之設上以廣

朝廷之教化下以厚閭閻之風俗其規條節目期切近易
行經久可法仰惟

皇上睿謨廣運德教宏敷薄海內外罔勿從風今直省各
州縣皆於城中設立鄉約每月朔望齊集耆老里長
宣講

聖諭十六條但疆宇遼闊人民衆多至各鄉村尚未設有

連平州志

卷之二

風俗

十六

講約之所恐聽聞不廣未能遍示訓行之意應令各
州縣於大鄉大村人居稠密之處俱設立講約之所
於舉貢生員揀選老成有學行者一人以為約正再
選樸實謹守三四人以為直月每月朔望日齊集鄉
之耆老里長及讀書之人宣講

聖諭廣訓闡明大義詳示開導務使鄉曲愚民咸生孝友
敦睦之思共知尊卑長幼之節鼓舞向善以臻一道
同風之盛其設立約正值月及置籍等條仿補朱子
增損呂大臨鄉約舊規其拜跪威儀之數宜遵前章

減省俾愚氓明白簡易便於遵循實於化民成俗之
道甚有裨益其約正值月應量給廩餼銀兩為衣食
之資俾其專心化導之事約正每名每年給銀六兩
值月每名每年給銀三兩六錢各州縣設立鄉約之
後將約正值月名數造冊申詳布政司布政司核實
於該年地丁銀內按數給發該州縣按各給發備有
官吏從中侵尅者察出題參至朱子鄉約四條

聖諭廣訓已全包括無庸再為宣讀臣等將酌議讀約禮

儀并勸懲之法另單呈

建平州志

卷之一

風俗

十七

覲伏候

皇上訓定遵行謹奏雍正七年閏七月十二日奉

言伏議

條式

凡州縣城內及各大鄉大村各擇一寬閒潔淨之處
設為講約之所約正值月署二籍德業可勸者為一
籍過失可規者為一籍值月掌之月終則以告於約
正而授於其次每月朔日值月約同鄉之人夙興各
食於家先後集於講約之所俟約正及耆老里長皆

相對三揖衆以齒左右立設几案於中值月向案北面立先讀

聖諭廣訓皆抗聲宣誦使人鵠立悚聽然後約正推說其義剴切叮嚀使人警悟通曉未達者仍許其質問講畢於此鄉內有善者衆推之有過者值月糾之約正詢其實狀衆無異詞乃命值月分別書之值月逐讀記善籍一遍其記過籍呈約正及耆老里長默視一遍皆付值月收之事畢衆揖而退歲終則考核其善惡彙冊報於具官具官設為勸懲之法有能政績者

連平州志

卷之二

風俗

一體獎勵使之鼓舞不倦至約正值月果能化導督率使一鄉之中向善者多犯法者少行之三年善有成效該具申報於府由府而司道可道核實轉申督撫學臣擇學行最优者具題送部引

見其誠實無過者亦應諒加旌異以示鼓勵其或不能董率怠惰度弛者該地方官申詳督撫學臣即加黜罰更迭代換之人如地方官有親鄉約為具文不實力奉行者聽該督撫拮竇叅處恭候

命各行文各直省督抚學臣一體奉行可也

計開

惠化晉約所二處在城

明倫堂

上坪墟

長吉晉約所二處

百叟塘墟

龍津墟

忠信晉約所二處

官陂墟

大湖約

銀梅晉約所二處

陂頭墟

貴東墟

嶺外殿隸舊俗荒陋百年以來沐浴

聖化婚喪儀式稍有可觀

婚禮做六禮遺意始而托媒致詞持隻鷄雙環行

連平州志

卷之二

風俗

十九

女庚俗曰寫年庚繼用牲酒餅菓通姻親各束回

好具金銀首飾綵幣羊豕分定禮聘禮書兩束曰過

禮將娶備承酒送于歸帖曰報日子及期紳士家間

行親迎風先城郭回鄉亦漸成習無方乃以次從間

焉

喪事沿習用浮屠設齋醮在城開弔發紉客到蔬會

各鄉多宰牲宴客識者漸率族姓政除

如惠化生員

謝廷軒一也

守喪至禫服闋始然麻除靈柩主猶知遵守亦甲

鄉黨往來喜有慶賀哀有贈賻無者以及助猶見鄉

井古誼

正月元旦祭祖先拜神廟彼此各到門揖賀

初二日為團年節各族姓攜壺榼聚飲家祠

初三日為送窮節掃拉雜塵土盛滿箕加散帚其上

委岐路焚香驅之

上元喜簇花燈作龍獅各種戲舞唱採茶歌

清明踏青上墓掛紙錢門垂柳枝食艾糕以除寒氣

午日午祭祖先作角黍相餉遺門掛菖蒲懸艾虎飲

雄黃酒縫五色小袋內盛雄黃雜諸香繫小兒臂各

連平州志

卷之二

風俗

二十

為長命袋午後採百草煎浴云除百病

六月六日曝衣以却暑濕

七月七日曬書以絕蠹魚至夜燃燈設瓜果於

針線其上乞巧

七月十五各族姓合祭家祠感霜露也

八月十五作月餅相贈答晚祭祖先書譜長幼釀錢

為明月會婦人以衣蒙竹箕兩人手捧焚香禮拜須

臾神降拱揖如生占機祥有口名曰請月姘兒童佳

燒宝塔紅光如晝

九月九日老少相携於城北聚仙嶺城南連峴亭登高吃菊花糕飲茱萸酒燃放風箏為戲樂

十一月冬至祭祖先感一陽始生也五鼓取溪泉水作酒曰冬酒晷不變味

除夕晚祭祖先家蒸大年糕煎油酥菓糖環結彼此
餽送晚刻到門薛年夜守歲燃燈不息爆竹聲徹旦
以除舊迎新云

山多田少民皆於作勞稻兩熟十月穫畢接種油菜
大麥等類來春甫刈耕犁合起一歲計三收

連平州志

卷之二

風俗

二十一

無剩土峻嶺高陂亦鋤斷片片若魚鱗然而深山元
人烟處猶燒畚種藍伐木種香草

山野多斷腸草无知每因一朝之忿採服居奇北風
不可禁

婦人勤紡績紳士家機杼不斷貧窮多山上樵蘇負
竿纍纍如列行陣聞在昔老成曾有建議各鄉殷裕
損貨市棉苧按戶給作開坊收布縷通易相資時移
舊俗亦維風之善策也

